

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0057635 24
Zenica, 14.10.2024. godine

OPĆINSKOM SUDU U ZENICI
-Sudiji za prethodno saslušanje-
ZENICA

Na osnovu člana 45. stav 2. tačke i) i člana 241. stav 1. ZKP-a F BiH, p o d i ž e m

O P T U Ź N I C U

Protiv:

Č. D., osuđivan presudom Općinskog suda u Zenici od 24.12.2020. godine zbog krivičnog djela iz člana 371. stav 1. KZ F BiH na kaznu zatvora u trajanju od jednog mjeseca, presudom Općinskog suda u Zenici od 20.01.2022. godine zbog krivičnog djela iz člana 287. stav 1. tačka a) u vezi sa članom 31. KZ F BiH na kaznu zatvora u trajanju od sedam mjeseci i presudom Općinskog suda u Zenici preinačena u pogledu odluke o kazni presude Općinskog suda u Zenici osuđen na kaznu zatvora u trajanju od devet mjeseci,

što je:

u vremenskom periodu od 24.02.2024. godine do dana 26.02.2024. godine, u Z., ugrozio sigurnost Č. T. na način da mu je tražio 300,00 KM koji novac mu navodno je trebao za posao, a kada mu je T. odgovorio da nema toliko novca uputio mu je ozbiljne prijetnje putem društvene mreže „Instagram“ sa svog profila u vidu tekstualnih i audio poruka sa sadržajem: „Svi ste vi ista govna, ali zapamti ja ću ti mečku probušiti ili isparati“, pa kada mu je T. odgovorio da prestane sa prijetnjama, nastavio je i dalje sa ozbiljnim prijetnjama da će mu postaviti bombu pod auto, da će mu za dvije felge zakačiti vezice i da će ga raznijeti, da bi dana 26.02.2024. godine u jutarnjim satima mu ponovno putem društvene mreže „Instagram“ uputio ozbiljne prijetnje sa tekstualnim sadržajem „Upucat ću te, oca mi, pazi kad budeš krenuo sa autom, polomit ću ti ruke i noge, pištolj je pun“, slikajući mu pri tome pušku nepoznate marke, municiju za istu i bokser, svjestan da će ovakve prijetnje ugroziti sigurnost Č. T., što je i htio, koje poruke su kod istog izazvale jak osjećaj straha i uznemirenosti te ugrozile sigurnost,

dakle, ugrozio sigurnost jedne osobe,

čime bi počinio krivično djelo ugrožavanje sigurnosti iz člana 183. stav 1. KZ F BiH.